

**TULAFONO TAU FAAOFI O TEUTEUGA
O LE TULAFONO O FAIGA PALOTA 2014**

SAMOA

Faamatalaga e Faamalamalama ai

Faatomuaga


Ua taumafai le Tulafono Tau Faaofi e teuteu le Tulafono o Faiga Palota 1963, ina ia aloaia ai fautuaga a le Komisi Suesue 2012, i Mataupu Tau Faiga Palota, e pei ona faamaonia e le Kapeneta ma le F.K.(14)11 o le aso 2 Aperila 2014. O fautuaga autu nei sa iloiloina e le Kapeneta:

- (a) o le suiga o pepa o le faasologa o igoa o tagata palota taitoatasi i totonu o itumalo o nuu i le taulaga e lua (2);
- (b) o le tagofia o faafitauli o tagata palota (e aunoa ma ni sootaga tau tupuaga) o lo o nonofo mau i totonu o itumalo faa-alaalafaga o Faleata ma Vaimauga, o i latou ia ua faatumulia ai pepa o le faasologa o igoa o ia itumalo faa-alaalafaga;
- (c) o itumalo faa-alaalafaga ina ia aofia ai so o se tagata (tusa lava po o umia se suafa Matai pe leai foi) o lo o nofomau i totonu o itumalo faa-alaalafaga o Vaimauga po o Faleata;
- (d) ia aofia ai i pepa o le faasologa o igoa i nuu i le taulaga, i latou o lo o i ai igoa i le pepa o le faasologa o igoa o tagata palota taitoatasi o i ai nei, ae peitai o le a faatapulaaina leni tulaga ia i latou o nonofo i fanua (e ese mai i lo fanua faaleaganuu) o i totonu o itumalo faa-alaalafaga o Vaimauga po o Faleata;
- (e) o le O'o ma le momoli e ao ona faatinoina i le tuanai ai o le faaaliga manino o le taunuuga o faiga palota;
- (f) o le aveesea o le malosiaga o Pulenuu, e faamaonia ai le faatuina mai o se tagata ua manao e tauva mo faiga palota e avea ai ma Sui Usufono o le Palemene.

Fuaiupu:

- Fuaiupu 1:** - ua taua ai e faapea, o le a taua le Tulafono Tau Faaofi o le Tulafono o Teuteuga o le Tulafono o Faiga Palota 2014 pe a oo ina faamamaluina. O le a amata faamamaluina le Tulafono o Teuteuga o le Tulafono o Faiga Palota 2014 i le aso e tuuina i ai le maliega a Le Ao o le Malo.
- Fuaiupu 2:** - ua teuteuina ai le fuaiupu 5 ina ia faapea ona faia ai o tautinoga faaletulafono o i le Pepa Faatumu 1A, e le sui faatu ma molimauina e se loia o galue tutoatasi.
- Fuaiupu 3:** - ua teuteu ai le fuaiupu 8 ma le 9 ma suia i le fuaiupu 8 fou, e faatatau i faamavaega a tagata faigaluega o le Malo e mananao e tauva o ni sui faatutu mo faiga palota, e avea ai ma Sui Usufono o le Palemene.
- Fuaiupu 4:** - ua teuteu ai le fuaiupu 16 e faatatau i agavaa o tagata e avea ai ma tagata palota taitoatasi i itumalo faa-alaalafaga.
- Fuaiupu 5:** - ua teuteu ai le fuaiupu 19 e faatatau i tulaga agavaa o tagata e avea ai ma tagata palota taitoatasi i totonu o so o se tasi o itumalo o nuu i le taulaga e lua (2).
- Fuaiupu 6:** - ia faaofi fuaiupu 25F ma le 25G fou, e faatatau i le faamauina i totonu o le na o le tasi (1) le itumalo, ma manaoga mo tagata o talosaga mo le faamauina e avea ai ma tagata palota taitoatasi, e tuuina atu nisi faamatalaga, e uiga i o latou tulaga agavaa e faamauina ai e avea ma tagata palota taitoatasi.
- Fuaiupu 7:** - ua teuteu ai le fuaiupu 35 e ala i le faaofiina o se faafuaiupu (1A) fou, e manaomia ai tagata palota taitoatasi i pepa o le faasologa o igoa o itumalo faa-alaalafaga, ina ia tusia i le faasologa o le pi faitau faa-Peretania i lalo o nuu taitasi po o pitonuu.

- Fuaiupu 8:** - ua teuteu ai le fuaiupu 94(5) ina ia faaopoopoina faasalaga mo soligatulafono i lalo o lea fuaiupu.
- Fuaiupu 9:** - ua teuteu ai le fuaiupu 97A ina ia faamautinoa ai le faia o O'o ma Momoli i le tuana'i ai o le faaaliga manino o le taunuuga o faiga palota i lalo o le fuaiupu 80.
- Fuaiupu 10:** - ua teuteu ai le fuaiupu 106 ina ia toe faaopoopo le vaitaimi mai le fitu (7) i le 10 aso faigaluega.
- Fuaiupu 11:** - ua teuteu ai le faamatalaga i le Tulafono e tusa ai o Pepa Faatumu 1A ma le 3.
- Fuaiupu 12:** - ua aiaia ai mo teuteuga lautele e aofia ai siitaga lautele o iunite tau faasalaga i lalo o le Tulafono ma se Faamatalaga 2 fou o le Tulafono o tusia ai tagata e agavaa ona faamauina e avea ma tagata palota taitoatasi i lalo o itumalo faa-alaalafaga ma itumalo o nuu i taulaga.
- Fuaiupu 13:** - ua aiaia ai mo teuteuga faatupulaia i isi Tulafono, e aofia ai le malosiaga e faia ai tulafono faatonutonu tau soloaiga e tagofia ai so o se mataupu tau soloaiga lea e mafai ona manaomia.



 (Hon FIAME Naomi Mataafa)
MINISITA O FAAMASINOGA MA
PULEGA TAU FAAMASINOGA

**TULAFONO TAU FAAOFI O TEUTEUGA
O LE TULAFONO O FAIGA PALOTA 2014**

SAMOA

Faatulagaina o Aiaiga

- | | |
|---|--|
| <ol style="list-style-type: none"> 1. Igoa puupuu ma le amataga 2. Ua teuteuina le fuaiupu 5 3. Ua suia le fuaiupu 8 ma le 9 4. Ua teuteuina le fuaiupu 16 5. Ua teuteuina le fuaiupu 19 6. Ua faaofiina le fuaiupu 25F 7. Ua teuteuina le fuaiupu 35 8. Ua teuteuina le fuaiupu 94 9. Ua teuteuina le fuaiupu 97A | <ol style="list-style-type: none"> 10. Ua teuteuina le fuaiupu 106 11. Ua teuteuina le Faamatalaga 12. Teuteuga lautele 13. Teuteuga faatupulaia ma tulafono faatonutonu tau soloaiga <p style="text-align: center;">Faamatalaga</p> |
|---|--|

2014, Nu.

O SE TULAFONO TAU FAAOFI UA TAU

O SE TULAFONO e teuteu ai le Tulafono o Faiga Palota 1963 (“Tulafono autu”).

UA FAIA e le Fono Aoaio Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua lena Tulafono o le Tulafono o Teuteuga o le Tulafono o Faiga Palota 2014.

(2) O lenei Tulafono e amata faamamaluina i le aso e tuuina i ai le maliega a Le Ao o le Malo, i le noatia ma le fai fuafua i le fuaiupu 1(2), (3) ma le (4) o le Tulafono o Teuteuga o le Faavae (Nu.2) 2014.

2. Ua teuteuina le fuaiupu 5 - Mo le fuaiupu 5 o le Tulafono autu:

(a) mo le faafuaiupu (3)(c) ia suia e faapea:

“(c) e le o i ai se tautinoga faaletulafono, i totonu o le Pepa Faatumu 1A o le Faamatalaga 1, sa molimauina e se loia faufautua po o se loia o le Faamasinoga Sili o lo o galue i se tulaga tutoatasi, e faapea ua faamalieina e le sui faatu le manaoga o le tolu (3) tausaga e nofomau ai i le atunuu, o i le parakalafa (b) po o ua faamalieina manaoga tau auaunaga i nuu (po o ia itu uma e lua);” ma

(b) i le tuanai ai o le faafuaiupu (4) ia faaofi e faapea:

“(4A) Mo le faamoemoe o lenei Tulafono, o se tagata o taumafai ina ia filifilia e avea o se sui faatu po o ua filifilia e avea ma sui faatu, o lo o i ai le noataga o le faamalieina o le Komesina po o le Faamasinoga e faapea, ua ausia e le tagata le tulaga agavaa o le nofomau i le atunuu i le tolu (3) tausaga.

(4B) O se sui faatu o ia lea ua faia se tautinoga sese i lalo o le Pepa Faatumu 1A, ua faia se soligatulafono ma e noatia i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le lua (2) tausaga.”.

3. Ua suia le fuaiupu 8 ma le 9 - Ia suia le fuaiupu 8 ma le 9 o le Tulafono autu e faapea:

“8. Ia faamavae tagata faigaluega a le Malo pe a oo ina manao e avea ma sui faatu-(1) Ae vagana ai i so o se isi tulafono, afai ua manao se tagata faigaluega a le Malo ina ia

filifilia e avea o se sui faatu mo le faiga palota e avea ai o se Sui Usufono o le Palemene, e ao i le tagata faigaluega a le Malo ona faamavae mai galuega tau le Malo e tusa ai o le tulafono lea o lo o faatonutonuina ai faaletulafono tagata faigaluega a le Malo.

(2) O se tagata faigaluega a le Malo o ia lea ua lē faamavae e tusa ai o le faafuaiupu (1) ua faatatauina e faapea ua faamavae mai le aso na faatoai atu ai lona filifilia.

(3) I totonu o lenei fuaiupu, o le “tagata faigaluega a le Malo” o lona uiga o se tagata ua tofia po o faafaigaluegaina i lalo o le Tulafono o Galuega a le Malo 2004, ma e aofia ai:

- (a) se Faamasino o so o se Faamasinoga;
- (b) se leoleo, tagata ofisa o le falepuipui, sui o se isi vaega ua faavaeina lelei po o so o se lala mautu o so o se vaega tau puipuiga ua faavaeina e le tulafono;
- (c) o se sui auai o se komiti faatino o po o se tagata o faafaigaluegaina po o faaaogāina e se faalapotopotoga ua lisiina i totonu o faamatalaga i le Tulafono o le Pulega o Tupe a le Malo 2001 po o le Tulafono o Faalapotopotoga a le Malo (Faatinoga o Galuega ma le mafai ona tali atu) 2001;
- (d) o se tagata o faafaigaluegaina po o faaaogāina e so o se isi lava tofiga o le Malo po o le Atunuu, ua faavaeina e le tulafono;
- (e) o se sui auai o so o se komiti faatino a le Malo, komisi, komiti, faalapotopotoga po o se fono, tusa lava pe sa faavaeina pe leai foi e le tulafono;
- (f) so o se tagata po o se sui auai o se ofisa po o se faalapotopotoga, ua faatonuina e tulafono faatonutonu.”.

4. Ua teuteuina le fuaiupu 16 - Mo le fuaiupu 16(1) ma le (2) o le Tulafono autu, ia suia e faapea:

“16. Uiga agavaa ma le faaliliuina atu o tagata palota-(1) I le noatia ma le fai fuafua i le Faavae ma lenei Tulafono, ua agavaa se tagata matua ina ia faamauina e avea o se tagata palota taitoatasi faa-alaalafaga, pe afai o le tagata o se tagatanuu o Samoa o lo o lisiina i le Laina 2 o le Faamatalaga 2.”.

5. Ua teuteuina le fuaiupu 19 - Mo le fuaiupu 19 o le Tulafono autu, ia suia e faapea:

“19. Uiga agavaa o tagata palota taitoatasi i nuu o le taulaga - I le noatia ma le fai fuafua i le Faavae ma lenei Tulafono, ua agavaa se tagata matua ina ia faamauina e avea o se tagata palota taitoatasi i nuu o le taulaga, pe afai o le tagata o se tagatanuu o Samoa o lo o lisiina i le Laina 3 o le Faamatalaga 2.”.

6. Ua faaofiina le fuaiupu 25F- I le tuanai ai o le fuaiupu 25E o le Tulafono autu, ia faaofi e faapea:

“25F. E ao i le tagata palota taitoatasi ona faamauina i le na o le 1 le itumalo-(1) E ao i se tagata ua agavaa ina ia faamauina e avea o se tagata palota taitoatasi i lalo o lenei Tulafono, ona faatoa faamauina e tusa ai o lea tulaga i totonu o le na o le tasi (1) le itumalo, e tusa lava pe afai o lo o umia e le tagata suafa Matai e sili i lo le tasi, i itumalo eseese.

(2) Afai ua faamauina se tagata palota taitoatasi i totonu o le lua (2) po o le sili atu itumalo, o lona uluai faamauina ua faatatauina e faapea e aloaia, vagana ai mo se faaliliuina atu o le faamauina i lalo o lenei Tulafono. So o se faamauina mulimuli ane i se isi itumalo e lē faaaogāina, seia vagana ai ua filifili le Komesina po o le fea faamauina e aloaia, i le amanaia ai o manaoga tau le faamauina i lalo o lenei Tulafono.

25G. Tiute tauave le tuuina atu o nisi faamatalaga - I le faaopoopo atu i so o se tasi faamatalaga o manaomia i lalo o lenei Tulafono mo le faamauina o tagata palota taitoatasi, e ao i se tagata o talosaga mo le faamauina e avea

o se tagata palota taitoatasi, pe afai e manaomia e le Komesina o Faiga Palota, ona tuuina atu nisi faamatalaga molimau po o faamatalaga e uiga i tulaga agavaa o le tagata mo le faamauina e avea o se tagata palota taitoatasi i lalo o lenei Tulafono.”.

7. Ua teuteuina le fuaiupu 35 - Mo le fuaiupu 35 o le Tulafono autu, i le tuanai ai o le faafuaiupu (1) ia faaofi e faapea:

“(1A) O le pepa o le faasologa o igoa mo se itumalo faa-alaalafaga e tatau ona lisiina ai tagata palota taitoatasi i le faasologa o le pi faitau faa-Peretania i lalo o nuu po o pitonuu taitasi o i totonu o lea itumalo faa-alaalafaga.”.

8. Ua teuteuina le fuaiupu 94 - I totonu o le fuaiupu 94(5) o le Tulafono autu, mo upu “nofo i le falepuipui mo se vaitaimi e lē silia le tolu (3) masina”, ia suia i upu “se sala tupe e lē silia le 50 iunite tau faasalaga, po o le nofosala i le falepuipui mo se vaitaimi e lē silia le 12 masina, po o faasalaga uma e lua”.

9. Ua teuteuina le fuaiupu 97A - Mo aiaiga faa-tuutuuga i le fuaiupu 97A o le Tulafono autu ia suia e faapea:

“ae peitai e ao ona faia le folasaga, i totonu o le 12 masina, i le tuanai ai o le aso o le faaaliga manino o le taunuuga o le faiga palota i lalo o le fuaiupu 80.”.

10. Ua teuteuina le fuaiupu 106 - I totonu o le fuaiupu 106 o le Tulafono autu:

- (a) mo le faafuaiupu (1), mo upu “7 aso faigaluega” ia suia i le “10 aso faigaluega”; ma
- (b) mo le faafuaiupu (2), mo upu “7 aso” ia suia i le “10 aso faigaluega”.

11. Ua teuteuina le Faamatalaga - I totonu o le Faamatalaga o le Tulafono autu, mo le Pepa Faatumu 1A ma le Pepa Faatumu 3, ia suia e faapea:

**“PEPA FAATUMU 1A
(Fuaiupu 5(3)(c) ma le 6(d)(ii), ma le 50(1)(e))**

**TAUTINOGA O MANAOGA E UIGA I LE
TAUTUA MA LE NOFOMAU I LE NUU**

O a’u, (*Faaofi i ai le igoa atoa o le sui faatu, suafo Matai ma le tuatusi talafeagai*) ou te faasilasila atu ma le ava ma le faaaloalo e faapea:

- (a) O lo o o’u nofomau i totonu o Samoa mo se vaitaimi e tutusa pe sili atu i le tolu (3) tausaga ma ua faamalieina ai le manaoga mo le tolu (3) tausaga e nofomau ai, e tusa ai ma le fuaiupu 5(3)(b) o le Tulafono o Faiga Palota 1963; po o
- (b) O lo o o’u tautua i lo matou nuu (*tusia le nuu po o nuu, e aofia ai so o se pitonuu*) e tusa ai o aganuu a lo matou nuu, ma ua faamalieina ai nei manaoga o le tautua i le nuu e pei ona faamatalaina i totonu o le fuaiupu 5(3A) o le Tulafono o Faiga Palota 1963.

Ma ua ou faia lenei tautinoga i le loto faamaoni ma lou iloa lelei e moni ma faamaoni e tusa ai ma tulaga aloaia o le Tulafono o Tautoga, Faamatalaga Tauto ma Tautinoga 1963.

FAATAUTOINA ii lenei)
aso 20__)
)

I o’u luma:

.....
Loia o le Faamasinoga ma le Loia
Faufautua o le Faamasinoga Sili a Samoa



PEPA FAATUMU 3
(Fuaiupu 35(1))

**FAASOLOGA O SUAFA O TAGATA PALOTA
TAITOATASI MO ITUMALO FAA-ALAALAFAGA**

FAASOLOGA O SUAFA O TAGATA PALOTA TAITOATASI MO ITUMALO FAA-ALAALAFAGA <i>(faaofi i ai le igoa ma le numeru o le itumalo)</i>					
Numera i le Faasologa o Igoa	Suafa Matai	Igoa Faaiu o le Aiga	Igoa Papatiso/ Igoa Muamua	O le Nuu po o Nuu	Galuega po o le Faamatalaga
”					

12. Teuteuga lautele-(1) I totonu o le Tulafono autu po o so o se isi lava tulafono:

- (a) mo upu “tagata palota taitoatasi” (i totonu o ona fesuiaiga uma tau le faatulagaina i le gagana), ia suia i upu “tagata palota taitoatasi i nuu o le taulaga”;
- (b) mo upu “pepa o faasologa o igoa o tagata palota taitoatasi” (i totonu o ona fesuiaiga uma tau le faatulagaina i le gagana), ia suia i upu “pepa o faasologa o igoa o tagata palota taitoatasi i nuu o le taulaga”;
- (c) mo upu “Sui Komesina” (Faiga Palota), ia suia i upu “Komesina Lagolago”;
- (d) mo upu “Sui Alii Ofisa o Faiga Palota”, ia suia i upu “Ofisa Lagolago o Faiga Palota”;
- (e) mo upu “Sui Alii Ofisa Fai Palota”, ia suia i upu “Ofisa Lagolago Fai Palota”;
- (f) mo upu “Sui Resitara”, ia suia i upu “Resitara Lagolago”;

- (g) mo faasinomaga i upu “tagata palota”, “o se tagata palota po o se tagata palota taitoatasi”, “tagata palota ma le tagata palota taitoatasi” (o i ai faatasi ma ona fesuiaiga uma tau le faatulagaina i le gagana) ia suia i upu “tagata palota taitoatasi” (faatasi ai ma ona fesuiaiga uma tau le faatulagaina i le gagana);
- (h) mo le faasinomaga i upu “pepa o le faasologa o igoa o tagata palota” ia suia i upu “pepa o le faasologa o igoa o tagata palota taitoatasi o itumalo faa-alaalafaga” (faatasi ai ma ona fesuiaiga uma tau le faatulagaina i le gagana);
- (i) mo le faasinomaga i le upu “itumalo” i le tulaga o faa-itumalo po o tagata palota taitoatasi, ia suia i upu “itumalo faa-alaalafaga” po o “itumalo o nuu i le taulaga” (faatasi ai ma ona fesuiaiga uma tau le faatulagaina i le gagana), i le a lava le tulaga e mafai ai.

(2) I totonu o fuaiupu o le Tulafono autu o lo o lisiina i le laina (1) o le Faamatalaga 1 o le Tulafono, mo mataupu o i ai i le laina (2), ia suia mataupu e uiga tutusa o i ai i le laina (3).

(3) O le Faamatalaga 2 o lenei Tulafono ua faatulaga atu ai i tulaga auiliili isi teuteuga faatupulaia. O mataupu o i ai i le laina (2) o le Faamatalaga 2, e ao ona suia i mataupu o i ai i le laina (3) po o le soloia i le tulaga atoatoa. O mataupu o i ai i le laina (4) o le Faamatalaga 2, o mataupu fou ia e ao ona faaofiina atu i totonu o o latou vaega taitasi.

(4) I totonu o le Tulafono autu, ia toe faanumera le Faamatalaga o i ai nei e ave ma “Faamatalaga 1” ma i le tuanai ai o lea Faamatalaga, ia faaofi le Faamatalaga 2 e pei ona faatulaga atu i le Faamatalaga 3 o lenei Tulafono.

13. Teuteuga faatupulaia ma tulafono faatonutonu tau soloaiga-(1) I totonu o le Tulafono o Itumalo Faa-alaalafaga 1963:

- (a) ia aveese le upu “faa-alaalafaga” o i totonu o le Igoa Umi;
- (b) ia aveese le upu “Faa-alaalafaga” o i totonu o le fuaiupu 1;

(c) i le tuanai ai o le fuaiupu 2, ia faaopoopo i ai le:

“2A. Fuafuaina o itumalo o nuu i le taulaga - O le tuaoi o itumalo e lua (2) o nuu i le taulaga o faasinomia i totonu o le Mataupu 44(1)(b) o le Faavae, ua faatulaga atu i le Vaega 2 o le Faamatalaga o Ienei Tulafono.”;

(d) mo le fuaiupu 3 -

(i) ia toe faanumera le aiaiga o i ai nei e avea ma faafuaiupu (1); ma

(ii) i le tuanai ai o le aiaiga o i ai nei, ia faaofi e faapea:

“(2) Mo le filifilia o Sui Usufono o le Palemene mo itumalo e ono (6) ua fuafuaina i lalo o le faafuaiupu (1):

(a) mo le Itumalo Faa-Alaalafaga Nu.2 - Vaimauga Sisifo -

(i) e toatasi (1) le Sui Usufono o le Palemene e ao ona filifilia mai nuu o Vaiala (e aofia ai pitonuu o Vaipuna, Vini, Levili ma Fa’atoia), Moataa (e aofia ai pitonuu o Vaivase-uta, Vaivase-tai ma Matafagatele), Maagiagi (e aofia ai le pitonuu o To’omatagi), Alaoa ma Ataga; ma

(ii) e toatasi (1) le Sui Usufono o le Palemene e ao ona filifilia mai nuu o Matautu, Tanugamanono (e aofia ai pitonuu o Leufisa, Papaloloa, Papauta ma Tanumaleko), Vailima (e aofia ai pitonuu o Tiapapata, Letava ma Afiamalu) ma Apia (e aofia ai pitonuu o Aai o Niue, Aai o Fiti, Alamagoto, Fugalei, Lalovaea, Leifiifi, Lelata, Leone, Ma’agao, Maluafou, Matafele, Moto’otua, Mulinuu, Sogi, Saleufi, Savalalo, Tauese, Taufusi, Togafuafua ma Vaisigano);

(b) mo le Itumalo Faa-Alaalafaga Nu.7 - Aana Alofi Nu.1 -

(i) e toatasi (1) le Sui Usufono o le Palemene e ao ona filifilia mai le nuu o Faleasiu (e aofia ai le pitonuu o Sapulu); ma

(ii) e toatasi (1) le Sui Usufono o le Palemene e ao ona filifilia mai le nuu o Fasitoo uta (e aofia ai pitonuu o Satui ma Mataili'ili);

(c) mo le Itumalo Faa-Alaalafaga Nu.13 - Safata -

(i) e toatasi (1) le Sui Usufono o le Palemene e ao ona filifilia mai nuu o Vaiee, Nuusuatia, Lotofaga, Sataoa ma Saanapu; ma

(ii) e toatasi (1) le Sui Usufono o le Palemene e ao ona filifilia mai nuu o Mulivai, Fusi, Fausaga ma Tafitoala;

(d) mo le Itumalo Faa-Alaalafaga Nu.15 - Falealili -

(i) e toatasi (1) le Sui Usufono o le Palemene e ao ona filifilia mai nuu o Utulaelae, Sapo'e, Salani, Salesatele ma Siuniu; ma

(ii) e toatasi (1) le Sui Usufono o le Palemene e ao ona filifilia mai nuu o Sapunaoa, Satalo, Malaemalu, Tafatafa, Matautu, Vaovai, Poutasi ma Saleilua;

(e) mo le Itumalo Faa-Alaalafaga Nu.23 - Faasaleleaga Nu.1 -

(i) e toatasi (1) le Sui Usufono o le Palemene e ao ona filifilia mai nuu o Salelavalu, Iva, Vaiafai, Vaisaulu, Lalomalava ma Safua; ma

(ii) e toatasi (1) le Sui Usufono o le Palemene e ao ona filifilia mai le nuu o Salelologa;

(f) mo le Itumalo Faa-Alaalafaga Nu.37 - Salega -

(i) e toatasi (1) le Sui Usufono o le Palemene e ao ona filifilia mai nuu o Fagafau, Faiaai, Fogatuli, Samata-i-uta ma Samata-i-tai; ma

(ii) e toatasi (1) le Sui Usufono o le Palemene e ao ona filifilia mai nuu o Fogasavaii, Sagone ma Vaipua.

(3) E mafai e le Komesina ona fuafuaina faasinomaga i itumalo taitasi i lalo o aiaiga o faaparakalafa o le faafuaiupu (2).”.

(e) i totonu o le Faamatalaga -

(i) ia toe faanumera le Faamatalaga o i ai nei e avea ma **“VAEGA 1 - TUAOI MO ITUMALO FAA-ALAALAFAGA”**; ma

(ii) i le tuanai ai o le Faamatalaga o i ai nei ia faaofi e faapea:

**“VAEGA 2 - TUAOI MO ITUMALO
O NUU I LE TAULAGA**

ITUMALO O NUU I LE TAULAGA I SASAE

O le vaega eleele uma lea o lo o aofia i tuaoi i lalo o le Itumalo Faa-Alaalafaga Nu.1 - Vaimauga Sasae, ma le Itumalo Faa-Alaalafaga Nu.2 - Vaimauga Sisifo, ua faatulaga atu i le Vaega 1 o lenei Faamatalaga, lea e aofia ai nuu ma pitonuu ua taua: Fagali’i, Lauli’i, Letogo, Vailele, Aai Niue, Aai o Fiti, Afiamalu, Alamagoto, Apia, Faatoia, Fugalei, Lalovaea, Leifiifi, Lelata, Leone, Letava, Leufisa, Levili, Ma’agao, Maagiagi, Malifa, Maluafou, Matafele, Matautu-Tai, Matautu-Uta, Moata’a, Moto’otua, Mulinu’u, Palisi, Papaloloa, Papauta, Saleufi, Savalalo, Sogi, Tamaligi, Tanugamanono, Tanumaleko, Tauese, Taufusi, Tiapapata, Togafu’afu’a, To’omatagi, Tufuiopa, Vaiala, Vailima, Vaimea, Vaipuna, Vaisigano, Vaivase-Tai, Vaivase-Uta, Vaoala ma Vini.

ITUMALO O NUU I LE TAULAGA I SISIFO

O le vaega eleele uma lea o lo o aofia i tuaoi i lalo o le Itumalo Faa-Alaalafaga Nu.3 - Faleata Sasae ma le Itumalo Faa-Alaalafaga Nu.4 - Faleata Sisifo, ua faatulaga atu i le Vaega 1 o lenei Faamatalaga, lea e aofia ai nuu ma pitonuu ua taua: Alafua, Lepea, Lotopa, Moamoa, Pesega, Seesee, Sinamoga, Tuaefu, Tuanaimato, Tulaele-Tai, Ululoloa, Vailoa, Vaimoso, Elise-Fou, Falelauniu, Lalonea, Puipaa, Safune, Saina, Siusega, Talimatau, Tanumapua, Tapatapao, Tulaele-Uta, Vaigaga, Vaitele ma Vaiusu.”.

(2) I totonu o so o se isi lava tulafono, mo le “Tulafono o Itumalo Faa-alaalafaga 1963” ia suia e faapea “Tulafono o Itumalo 1963”.

(3) Mo le parakalafa (n) o le fuaiupu 5 o le Tulafono o Aso Malolo mo Tagata Uma 2008, ia suia e faapea:

“(n) o le Komisi o Faiga Palota, o le Komesina o Faiga Palota, o tagata ofisa, o le aufaigaluega a po o isi lava tagata o lo o faaaogāina po o faatonuina e le Komisi po o le Komesina e galue i aso malolo mo tagata uma, a o faagasolo le vaitaimi o faiga palota lautele po o nisi faiga palota mo Sui Usufono o le Palemene.”.

(4) Mo le fuaiupu 45 o le Tulafono o Galuega tau Leoleo 2009, i le tuanai ai o le faafuaiupu (6), ia faaofi e faapea:

“(7) O lenei fuaiupu e noatia ma fai fuafua i le Tulafono o Faiga Palota 1963, e faasino i le faamavaega a so o se tagata i lalo o lenei Tulafono, e tauva ai e avea o se sui faatu mo le faiga palota e avea ai ma Sui Usufono o le Palemene.”.

(5) Mo le fuaiupu 10 o le Tulafono o Falepuipui ma le Toefuataiga 2013, i le tuanai ai o le faafuaiupu (2) ia faaofi e faapea:

“(3) O lenei Tulafono e noatia ma fai fuafua i le Tulafono o Faiga Palota 1963 e faasino i le faamavaega a so o se tagata i lalo o lenei Tulafono, e tauva ai e avea o se sui faatu mo le faiga palota e avea ai ma Sui Usufono o le Palemene.”.

(6) Mo le fuaiupu 56 o le Tulafono o Galuega a le Malo 2004, i le tuanai ai o le faafuaiupu (3), ia faaofi e faapea:

“(4) O lenei fuaiupu e noatia ma fai fuafua i le Tulafono o Faiga Palota 1963 e faasino i le faamavaega a so o se tagata i lalo o lenei Tulafono, e tauva ai e avea o se sui faatu mo le faiga palota e avea ai ma Sui Usufono o le Palemene.”.

(7) I le Tulafono o le Pelepesite 1990:

(a) mo le fuaiupu 2 -

(i) ia suia faamatalaga o le “Ofisa Sili Fai Palota”, “Ofisa Pule o le Pelepesite”, “Resitara” ma le “Ofisa Fai Palota” e faapea:

““Ofisa Sili Fai Palota” o lona uiga o le tagata ua tofia i sea tulaga i lalo o le fuaiupu 6(3)(a), ma e aofia ai se Ofisa Fai Palota ua faatagaina e tusa ai ma le fuaiupu 26(2), e faatino malosiaga, tiute ma galuega tauave a le Ofisa Sili Fai Palota;

“Komesina o Faiga Palota” o lona uiga o le tagata ua tofia i sea tulaga i lalo o se Tulafono a le Palemene;

“Resitara” o lona uiga o le tagata ua tofia i sea tulaga i lalo o le fuaiupu 6(3)(b) ma e aofia ai so o se tagata ua faatagaina e faatino malosiaga, tiute ma galuega tauave a le Resitara;

“Ofisa Fai Palota” o lona uiga o se Tagata Ofisa Fai Palota ua faamaoti mai i lalo o le fuaiupu 6(1), ma e aofia ai se tagata Ofisa Fai Palota Fesoasoani;”;

(ii) ia faaofi e faapea:

““Komisi” o lona uiga o le Komisi o Faiga Palota ua faavaeina i lalo o se Tulafono a le Palemene;”;

(b) mo fuaiupu 5 ma le 6, ia suia e faapea:

“5. Komesina o Faiga Palota - O le Komesina o Faiga Palota e fitoitonu ma le faafoeina o se pelepesite i lalo o lenei Tulafono.

6. Ofisa Sili Fai Palota, Resitara Fesoasoani ma isi tagata ofisa-(1) E i ai i Tagata Ofisa Fai Palota, Resitara Fesoasoani ma isi tagata ofisa a le Komisi o Faiga Palota, ia malosiaga ma tiute tauave ua faaee atu ia latou e lenei Tulafono ma so o se isi lava malosiaga ma tiute tauave e pei ona faatagaina i se faiga tusitusia e le Komesina o Faiga Palota.

(2) E i ai i se Tagata Ofisa Fai Palota malosiaga uma ma tiute tauave o se Ofisa Sili Fai Palota, i totonu ma fafo o se fale palota lea ua tofia i ai o ia, ma, i le noatia ma le fai fuafua i so o se faatonuga a le Komesina o Faiga Palota, e noatia i le pule faataga ma le faafoega a le Ofisa Sili Fai Palota.

(3) E mafai e le Komesina o Faiga Palota, mo le faamoemoe o lenei Tulafono, ona tofia i se faiga tusitusia:

(a) ni Tagata Ofisa Fai Palota a le Komisi e avea ma Ofisa Sili Fai Palota po o ni Tagata Ofisa Fai Palota Fesoasoani; po o

(b) le Resitara Fesoasoani a le Komisi e avea ma Resitara.”.

(c) I totonu o lea Tulafono po o so o se isi lava tulafono -

(i) mo upu “Ofisa Pule o le Pelepesite”, ia suia i upu “Komesina o Faiga Palota”;

(ii) mo upu “Sui Ofisa Fai Palota” ia suia i upu “Tagata Ofisa Fai Palota Fesoasoani”.

(8) E mafai ona faia Tulafono Faatonutonu, i totonu o le 12 masina mai le aso e amata faamamaluina ai o lenei Tulafono, i lalo o le fuaiupu 136 o le Tulafono autu, e tagofia ai so o se mataupu tau soloaiga e talafeagai i le faatinoina o teuteuga i lalo o lenei Tulafono mo faamoemoega o le faiga palota lautele e sosoo ai.

FAAMATALAGA 1

(fuaiupu 13(2))

TEUTEUGA LAUTELE I FAASALAGA

Fuaiupu ua teuteuina (Laina 1)	Aveese (Laina 2)	Ia suia (Laina 3)
12(2)	1	20
14	1	20
18B(4)	1	20
18B(4)	2	40
25B(1K)	1	20
25E(2)	2	40
32(4)	1	20
40	8	50
41(1)	8	50
42	1	20
43	1	20
68(2)	1	20
69(4)	2	40
70(5)	2	40
73(5)	5	30
88(e)	8	50
88(f)	8	50
88(g)	2	40
89(1)	8	50
90	8	50
91	8	50
136	2	20

FAAMATALAGA 2

(fuaiupu 13(3))

Fuaiupu (laina 1)	Soloia (laina 2)	Ia suia (laina 3)	Faaofi aiaiga fou (laina 4)
2	Faamatalaina o "tagata palota"		

	Faamatalaina o le “pepa o le faasologa o igoa o le au palota”	“pepa o le faasologa o igoa o tagata palota o itumalo faa-alaalafaga” o lona uiga o le pepa o le faasologa o igoa o tagata palota taitoatasi o se itumalo faa-alaalafaga;	
2	Faamatalaina o le “pepa o le faasologa o igoa o tagata palota taitoatasi”	“pepa o le faasologa o igoa o tagata palota i itumalo o nuu i le taulaga” o lona uiga o le pepa o le faasologa o igoa o tagata palota taitoatasi o se itumalo o nuu i le taulaga;”	
2	Faamatalaina o “tagata palota taitoatasi”	“tagata palota taitoatasi” o lona uiga o se tagata ua faamauina, po o ua agavaa ina ia faamauina, e avea: (a) o se tagata palota taitoatasi faa-alaalafaga o i luga o le pepa o faasologa o igoa o itumalo faa-alaalafaga; po o (b) o se tagata palota taitoatasi o se nuu i le taulaga o i luga o le pepa o le faasologa o igoa o itumalo o nuu i le taulaga;”	

2	Faamatalaina o le “pepa o le faasologa o igoa”	“pepa o le faasologa o igoa” po o “pepa o le faasologa o igoa o tagata palota taitoatasi” o lona uiga o se pepa o le faasologa o igoa o se itumalo faa-alaalafaga, o se pepa o le faasologa o igoa o se itumalo o nuu i le taulaga, po o se pepa autu o le faasologa o igoa po o se pepa faaopopo o le faasologa o igoa;”	
2			“sootaga tau tupuaga” o lona uiga o se sootaga tau tupuaga e lē mafesiligia, i se alaafaga po o se afioaga o fanua faaleaganuu o i totonu o se itumalo faa-alaalafaga;
2			“tagata palota taitoatasi faa-alaalafaga” o lona uiga o se tagata ua

			faamauina e aveva o se tagata palota taitoatasi i lalo o se pepa o le faasologa o igoa o se itumalo faa-alaalafaga.
2			“tagata palota taitoatasi i nuu o le taulaga” o lona uiga o se tagata ua faamauina e aveva o se tagata palota taitoatasi i lalo o se pepa o le faasologa o igoa o se itumalo o nuu i le taulaga.”
5(1)	“o se tagata palota o se itumalo”	“o se tagata palota taitoatasi o se itumalo faa-alaalafaga”	
6	“o se tagata palota po o se tagata palota taitoatasi o ia lea ua uma ona faamauina i se pepa o le faasologa o igoa o le au palota po o le pepa o le	“o se tagata palota taitoatasi o ia lea ua uma ona faamauina i se pepa o le faasologa o igoa o tagata palota i itumalo faa-alaalafaga po o itumalo o nuu i le taulaga”	

	faasologa o igoa o tagata palota taitoatasi”		
7	“tagata palota o se itumalo, o ia lea ua mautinoa e le i faamauina e avea o se tagata palota o lea itumalo, ae peitai na faamauina sese e avea o se tagata palota o se isi lava itumalo”	“tagata palota taitoatasi o se itumalo faa- alaalafaga, o ia lea ua mautinoa e le i faamauina e avea o se tagata palota taitoatasi o lea itumalo, ae peitai sa faamauina sese e avea o se tagata palota taitoatasi o se isi lava itumalo faa- alaalafaga”	
Vaega III Ulutala	“VAEGA III FAAMAU- INA O TAGATA PALOTA”	“VAEGA III FAAMAUINA O TAGATA PALOTA TAITOATASI I ITUMALO FAA- ALAALAFAGA”	
16A(9)(a)	“o se tagata palota o se itumalo”	“o se tagata palota taitoatasi o se itumalo faa- alaalafaga”	
16A(9)(a)	“faamauina e avea o se tagata palota o se isi itumalo”	“faamauina e avea o se tagata palota taitoatasi o se isi itumalo faa- alaalafaga”	
16A(9)(b)	“faamauina e avea o se tagata palota o le isi itumalo”	faamauina e avea o se tagata palota taitoatasi o se isi itumalo faa- alaalafaga	
16A(9)(b)	“o se tagata palota o le itumalo muamua”	“o se tagata palota taitoatasi o se itumalo faa- alaalafaga muamua”	

17	faafuaiupu (4)		
Vaega IV Ulutala	“VAEGA IV TAGATA PALOTA TAITOA- TASI”	“VAEGA IV FAAMAUINA O TAGATA PALOTA TAITOATASI I ITUMALO O NUU I LE TAULAGA”	
20	fuaiupu 20		
25A(1)	“o se tagata palota i so o se itumalo”	“tagata palota taitoatasi faa- alaalafaga”	
25B(5)	“o se tagata palota”	“o se tagata palota taitoatasi faa- alaalafaga”	
25E(1)	“o se tagata palota i se itumalo po o e avea o se tagata palota taitoatasi”	“o se tagata palota taitoatasi faa- alaalafaga po o se tagata palota taitoatasi i nuu o le taulaga”	
26(1)	“pepa o le faasologa o igoa o se itumalo, po o tagata palota taitoatasi”	“pepa o le faasologa o igoa o itumalo faa- alaalafaga po o se pepa o le faasologa o igoa o se itumalo o nuu i le taulaga”	
32(5)	Faailoga piriota i le faaiuga o le parakalafa (b)	Faailoga semi- kolona	“(c) pe afai o se sese, ua faia e le Komesina po o se tasi ua avea ma ona sui, na oo ai i le faamauina le igoa o se tagata i se lisi o le au palota a se isi itumalo, e ese

			mai i le itumalo sa tatau ona faamauina ai le igoa o lene tagata.
32	Faafuaiupu (6)		
35(3)	“pepa o faasologa o igoa o le au palota ma tagata palota taitoatasi”	“pepa o faasologa o igoa o itumalo faa-alaalafaga ma itumalo o nuu i le taulaga”	
36A(1)(a)	“pepa o le faasologa o igoa o le au palota o le itumalo po o Tagata Palota Taitoatasi”	“pepa o faasologa o igoa o le au palota mo itumalo faa-alaalafaga po o itumalo o nuu i le taulaga”	
36A(1)(a) (i)	“o le itumalo po o Tagata Palota Taitoatasi”	“o itumalo faa-alaalafaga po o itumalo o nuu i le taulaga”	
36A(2)	“itumalo po o Tagata Palota Taitoatasi o se aso ua tuuina atu ai le faasalalauga o palota faasino i se faiga palota i lene itumalo po o mo Tagata Palota Taitoatasi”	“itumalo faa-alaalafaga po o itumalo o nuu i le taulaga o se aso ua tuuina atu ai le faasalalauga o palota e faasino i se faiga palota i totonu o na itumalo”	
38(3)	“pepa o le faasologa o igoa o le au palota mo se itumalo”	“pepa o le faasologa o igoa mo itumalo faa-alaalafaga”	

39AA(1)(a)	“o se tagata palota”	“tagata palota taitoatasi faa-alaalafaga”	
48(1)	“itumalo po o mo tagata palota taitoatasi, e ni tagata palota ua faamauina, e lē itiiti ifo i lo le toalua (2) o lea lava itumalo, po o e ni tagata palota taitoatasi ua faamauina se toalua (2)”	“itumalo faa-alaalafaga po o itumalo o nuu i le taulaga, e lē itiiti ifo i lo le toalua (2) tagata palota taitoatasi ua faamauina o lea itumalo”	
50(1)(b)	“tagata palota ua faamauina o se itumalo faapitoa, po o ua faamauina e ave a o se tagata palota taitoatasi”	“tagata palota taitoatasi ua faamauina o lea itumalo faa-alaalafaga po o itumalo o nuu i le taulaga”	
50(1)(c)	“toalua (2) o le itumalo e faasino i ai le filifiliga ua faia, po o i le itu i se tagata palota taitoatasi, e ni tagata palota taitoatasi ua faamauina e lē itiiti ifo i lo le toalua (2)”	“toalua (2) tagata palota taitoatasi ua faamauina o lea itumalo faa-alaalafaga po o itumalo o nuu i le taulaga”	
70A	“o le pepa autu o le faasologa o igoa o tagata	“o le pepa autu o le faasologa o igoa o tagata palota po o i se pepa	

	<p>palota po o i so o se pepa faaopoopo o faasologa o igoa o tagata palota mo se itumalo po o i le pepa autu o le faasologa o igoa o tagata palota po o i pepa faaopoopo o faasologa o igoa o tagata palota taitoatasi e tusa ai ma le tulaga e ono i ai ma o ia lea ua agavaa e faamauina e avea o se tagata palota mo le itumalo o po o e ave ai o se tagata palota mo le itumalo po o e avea ai o se tagata palota taitoatasi o le a tatau ona agavaa e palota i lea itumalo po o e avea ai o se tagata palota taitoatasi e tusa ai ma le tulaga e ono i ai”</p>	<p>faaopoopo o faasologa o igoa o tagata palota mo se itumalo faa- alaalafaga po o itumalo o nuu i le taulaga ma o ia lea ua agavaa e faamauina e ave a o se tagata palota taitoatasi ua agavaa e palota i se faiga palota i lea itumalo faa- alaalafaga po o itumalo o nuu i le taulaga”</p>	
--	---	---	--

99(2)	“o se tagata palota o lona itumalo po o i se tagata palota taitoatasi”	“o se tagata palota taitoatasi faa-alaalafaga po o se tagata palota taitoatasi i nuu o le taulaga”	
111(4) (aiaiga faa-tuutuuga)	“o se tagata palota po o se tagata palota taitoatasi o le itumalo po o le au palota taitoatasi”	“o se tagata palota taitoatasi faa-alaalafaga po o se tagata palota taitoatasi i nuu o le taulaga”	
Pepa Faatumu 1D	“Tautinoga o Auililiga Tau le Tagata Lava Ia mo talosaga e faamauina ai e ave a o se Tagata Palota”	“Tautinoga o Auililiga Tau le Tagata Lava Ia mo talosaga e faamauina ai e ave a o se tagata palota taitoatasi faa-alaalafaga”	
Pepa Faatumu 1D	“O lo o faamauina lo’u igoa i le taimi nei i le lisi o le faasologa o igoa o le au palota o (Faaofi itumalo) po o le lisi o le faasologa o igoa o tagata palota taitoatasi ma ua ou manao ina ia faia la’u filifiliga e suia lo’u itumalo (Faaofi itumalo) ma e le i suia lava i le vaitaimi talu ai ina ua maea le faiga palota aoao talu ai po o;	“O lo o faamauina lo’u igoa i le taimi nei i le lisi o le faasologa o igoa o itumalo faa-alaalafaga po o itumalo o nuu i le taulaga (<i>Faaofi le itumalo</i>) ma ua ou manao ina ia faia la’u filifiliga e suia lo’u itumalo i (<i>Faaofi le itumalo</i>) ma e le i suia lava i le vaitaimi talu ai ina ua maea le faiga palota aoao talu ai po o;	

	(a) E le o faamauina a’u i le taimi nei i so o se lisi o faasologa o igoa o le au palota e avea o se tagata palota po o se tagata palota taitoatasi;”	(b) E le o faamauina a’u i le taimi nei i so o se pepa o le faasologa o igoa o le au palota e avea o se tagata palota taitoatasi faa-alaalafaga po o se tagata palota taitoatasi i nuu o le taulaga;	
Pepa Faatumu 5	<p>“O I MATOU, o lo o saina i lalo o ni tagata palota faamauina o le Itumalo faamauina o ni tagata palota taitoatasi, ua matou filifilia</p> <p>(Igoa), o (Nuu e nofomau ai ma le galuega), o se tagata palota faamauina o le</p> <p>Itumalo, o se tagata palota taitoatasi faatasi ai ma lana maliega (tane/tamaitai), e avea ai o se sui faatu i le faiga palota mo se sui usufono o le Palemene mo le</p> <p>Itumalo, Tagata Palota Taitoatasi”</p>	<p>“O I MATOU, o lo o saina i lalo o ni tagata palota taitoatasi faamauina o le Itumalo (<i>faaofi itumalo faa-alaalafaga po o itumalo o nuu i le taulaga</i>), ua matou filifilia</p> <p>(Igoa), o (Nuu e nofomau ai ma le galuega), o se tagata palota taitoatasi faamauina o le (<i>itumalo faa-alaalafaga/itumalo o nuu i le taulaga</i>).....</p> <p>Itumalo, faatasi ai ma lana maliega (tane/tamaitai), e avea ai o se sui faatu i le faiga palota mo se sui usufono o le Palemene mo le Itumalo.....</p> <p>(<i>itumalo faa-alaalafaga/itumalo o nuu i le taulaga</i>)”</p>	

FAAMATALAGA 3
(fuaiupu 13(4))

“FAAMATALAGA 2
(Fuaiupu 16(1) ma le 19)

**TAGATA UA AGAVAA MO LE FAAMAUINA E AVEA MA
TAGATA PALOTA TAITOATASI I LALO O ITUMALO FAA-
ALAALAFAGA PO O ITUMALO O NUU I LE TAULAGA**

Meataitasi Nu.	ITUMALO FAA-ALAALAFAGA (Laina 1)	ITUMALO O NUU I LE TAULAGA (Laina 2)
1	Tagata o nofomau i fanua faaleaganuu ma isi fanua (vagana ai mo meataitasi 1 o le Laina 2) i totonu o le itumalo faa-alaalafaga.	O tagata (tusa lava po o umia se suafa Matai pe leai foi) o lo o nofomau i so o se fanua e ese mai i lo fanua faaleaganuu i totonu o le tuaoi o le itumalo faa-alaalafaga.
2	O tagata o umia suafa Matai o nofomau i fafo atu o le itumalo faa-alaalafaga po o i totonu o itumalo o nuu i le taulaga. O le tagata o umia se suafa Matai e tasi, e ao ona faamauina i totonu o itumalo faa-alaalafaga lea e i ai le suafa Matai. O tagata o umia ni suafa Matai e tele, e mafai ona filifili ina ia faamauina i totonu o so o se itumalo faa-alaalafaga lea e i ai le suafa Matai (ae peitai, e mafai ona tasi lana filifiliga i le va o faiga palota aoao.	O tagata (o umia suafa Matai pe leai foi) o nofomau i fanua i totonu o itumalo o nuu i le taulaga, o i latou ia e i ai sootaga tau tupuaga i itumalo o Vaimauga po o Faleata, o i latou ia ua filifili ina ia faamauina i totonu o itumalo o nuu i le taulaga, ia o lo o latou nonofo mau ai.

3	<p>O le toalua po o se matua po o se tamaitiiti po o se uso po o se tuafafine (o lo o nofomau i fafo atu o le itumalo faa-alaalafaga) o se Matai, e mafai ona filifili ina ia faamauina i totonu o le itumalo faa-alaalafaga lea o lo o faamauina ai le Matai. O lenei aiaiga, e lē faaaogāina i le suafa Matai na maua mai i se uso, po o se tuafafine o se tagata palota taitoatasi, mai po o e ala i le toalua o le uso po o le tuafafine.</p>	<p>O tagata, o latou igoa o lo o aloaia le faamauina i totonu o le pepa o faasologa o igoa o tagata palota taitoatasi, a o lumanai ai le amata faamamaluina o le Tulafono o Teuteuga o le Tulafono o Faiga Palota 2014, ua faatatauina e faapea ua faamauina i lalo o le itumalo o nuu i le taulaga, lea o lo o nofomau ai le tagata. O lenei aiaiga e faatoa faaaogā i le Faiga Palota Aoa 2016.</p>
4	<p>O tagata o nonofo mau i fanua faaleaganuu i totonu o itumalo o Vaimauga ma Faleata, o i latou ia e i ai sootaga tau tupuaga i ia itumalo faa-alaalafaga, e ao ona faamauina i itumalo faa-alaalafaga ia e i ai o latou sootaga tau tupuaga.</p>	<p>O tagata ua faamauina i le pepa o le faasologa o igoa o tagata palota taitoatasi, o i latou ia o lo o nonofo mau i totonu o se itumalo faa-alaalafaga i fafo atu o tuaoi o itumalo o nuu i le taulaga, e mafai ona filifili ina ia faamauina i totonu o le itumalo faa-alaalafaga o lo o nofomau ai po o so o se tasi o ia itumalo o nuu i le taulaga. O lenei aiaiga e faatoa faaaogā i le Faiga Palota Aoa 2016.</p>

5	O tagata o nofomau i fanua i totonu o itumalo o nuu i le taulaga o i latou ia e i ai sootaga tau tupuaga i itumalo o Vaimauga po o Faleata ua filifili ina ia faamauina i itumalo o Vaimauga po o Faleata lea e i ai o latou sootaga tau tupuaga.	
---	---	--
